



# 叢書集成三編 第三五冊目錄

文學類



詩總集——宋元

元風雅三十卷(下)自卷十一至卷卅

元 蔣易輯

宛委選

○卅五 〇〇一

詩總集——明

雲間三子新詩合稿九卷

明

陳子龍 三 夏元淳 撰

峭帆樓台

大 〇卅五 一四三

詩總集——清

庚辰集五卷

清

紀昀輯

鏡

煙 中研院 〇卅五 二五一

館課存藁四卷

清

紀昀撰

鏡

煙 中研院 〇卅五 四一七

隨園女弟子詩選六卷

清

袁枚輯

隨

園 獨山莫氏 中 圖 〇卅五 四八七

古詩鈔三卷

清

莫荏升編

獨

山莫氏 中 圖 〇卅五 五一五

台灣雜詠合刻一卷

清

王凱泰著 何竟山撰

台灣雜詠

〇卅五 五七五

文總集——楚辭

離騷草木史十卷

明

周拱辰撰

周

孟侯 台大 〇卅五 六一一

離騷拾細一卷

明

周拱辰撰

周

孟侯 台大 〇卅五 七二九



元

風

雅

下



元風雅卷之十一 侍書學士蜀郡虞集

送兄解賦至京南歸

老兄五月來作客八年不見頭揔白五人兄弟  
四人在忽憶中郎淚沾臆我家蜀山忠孝門無  
田無宅唯書存兄同筮庫實父蔭弟竊餘祿承  
君恩文章不如孟氏好叔氏最少今亦老土郎  
十歲未知學嗟我何為長遠道諸兒讀書皆不  
多又不力耕知奈何憂來每得二三友看花把  
酒臨風哦蜀山嵯峨歸未得盤盤先龍臨川側  
碧梧翠竹手所移應與青松各千尺南風吹雪

元風雅卷之十一

二

河始冰兄歸烏帽何熒熒明年乞身向

天子共讀父書歌太平

題丹邱生墨竹

昔者老可守陵州守居北山吾故邱太守時來  
看山雨每畫紙背成滄洲老蒲松煙色過重揮  
霍陰厓交劍矛百年離亂亡故物散篋江南誰  
與收新圖篋管枝葉脩使我不樂思昔侯碧雞  
祠前杜鵑叫玉女井上叢篁幽棠梨樹高青子  
落碧華翠萼繁牽牛楊雄無家不歸老蠨蛸蟋  
蟀寒相求丹邱先生東海客何以見我空山秋

蕭條破墨作清潤殘質刊落精英畱坡陀□□  
分細草山石縈紆開亂流眉山學官勿嫌冷□  
歸故鄉非遠遊石田茅屋儻可得萬里欲上東  
吳舟百花潭深濯新錦持報以比珊瑚鈎

題金人出塞圖

海風吹沙如卷濤高為陀磧深為壕築土其上  
嚴周遭名王專居氣振豪肉食湏飲田為遨八  
月草白風颼颼馬食草實輕骨毛加弦試弓復  
置橐今日不樂心怪怪什什伍伍呼其曹銀黃  
鬼鷄明繡袍鷓鴣小管隨鳴靴背孤向虛出北

元風雅卷之十一

二

阜海東之鷲王不驕錦鞬金鏐紅絨條按習久  
畜思一起是時曉清天翳絕駕鵲東來雲帖帖  
去地萬仞天一瞥離婁屢望目力竭微如聞音  
驚一掣束身直上不迴折遂使孤飛一片雪頃  
刻平蕪灑毛血爭誇得雋頓足悅挂兔懸狼何  
足說旌旗先歸向城闕落日悲風起蕭屑煙塵  
滿城鼓微咽大酋要王具甘歡王亦欣然沃焦  
熱悶支出迎騎小驥琵琶兩姬紅顏頰舞歌迭  
進醉燭滅穹廬斜轉睨皓月

華陽洞南便門崇壽觀銘詩

大茅南垂元氣積陰關闔扉陽洞闢曲穴流泉  
保靈宅任君來餌黃赤石天一召錫太元冉曲  
阿受養良有擇構宮方嚴自王伯清蹕臨止靈  
響格虛林森爽化赫奕福鄉帝子發甘液不食  
何年器遺甕白雲映空武清客開元全盛煩百  
役持節旁午致纁璧爾來蕭條世代隔石鐫刻  
文土漫畫誰其啓之規古昔句曲外史美冠烏  
研書千卷視貞白天真景隨元系澤玉室金堂  
萬無數

題李伯時九歌圖

元風雅十一

三

太乙神君號東皇玉質要妙含和陽生生氣始  
通微茫縣縣蒸空神中央浮英上羅天文章覆  
冒下滿谷與阮旁塞無間靈無方靈來乘柔往  
乘剛湘君夫人鎮相望清溫靜好非淫傷司命  
元老元氣昌手執藜杖色老倉麻劫壽命不可  
量少君之壽同其長離無異體合有常出入萬  
化終不忘晶明發晨上搏桑海天赫赫真金芒  
質鍊不滅長垂光河源混混流湯湯伯也坐視  
無迎將千古萬古何堂堂彼幽為厲為強梁朝  
狸暮豹方鵠張精魂熠熠志意荒招之不返巫

無良屈生作歌沉九湘世人傳聲罕尋詳祝融  
仙子調元黃九神出圖百怪藏不信請視虞公  
章

盜發亞父塚

盜發亞父塚寶劍寶累之塚開寶氣盡獄吏書  
盜辭盜言唯見寶寧知亞父誰項王不相信弟  
子遂與尸黃腸下深銅千載復何為大河在城  
東落日在城西過客立城下躊躇望安期

次韻袁伯長賦陶心

憶昔白雲君高居保黃寧夕煉黃帝鼎晨註神

元風雅十一

四

農經羣真時滿座逸響每盈庭寸田既無畔幽  
闕那有烏飛凌萬物表婆娑垂帶鈴歸來塵世  
外曾孫宴虛亭所志在高遠三峯列青冥頽然  
得所止一念三十齡崑崙安明珠旭日曜帝青  
槃桓有童子松根求茯苓

杞菊軒

高軒何所植杞菊交根枝紫實既秋熟黃花亦  
晚滋嘉名信可愛可以樂予饑此邦號富庶士  
賈志懷資蕭條山石間誰復見惇嫠遺脫羔并  
餘椎剝無完肌縱守百畝受寧得安耘耔種此

跬步內庶無征奪思採擷勿違節烹茗貴有期  
三咽可千歲逍遙奉天隨

奎章夜直二首

月下白玉階露生黃金井疎條棲雀寒衰蕙鳴  
螢冷戀闌感時康懷歸覺宵永晨鐘禁車來白  
髮聊自振

月出古城東海氣浮空濛車騎各已息宮闕何  
穹窿牧馬草上露吹砧沙際風帳中忽聞鴈傳  
令設調弓

題儋耳東坡載酒堂

元風雅十一

翳翳儋耳城歷歷枕椰樹百年遺故邱新堂設  
賓昨清風海上至朝陽在庭戶丹山五色鳳覽  
德屢來下甘辛熟桂酒羅列雜諸蘋符離多子  
孫食飲祭先具蛟龍波浪深歸來風雨除

送伯長待制扈從上都

日色蒼涼映赭袍時巡無乃  
聖躬勞天連閣道晨留輦星散周廬夜屬橐白  
馬錦韉來窈窕紫駝銀鑿出蒲萄從官車騎多  
於雨獨有楊雄賦最高

和袁待制退朝見貽

是日加上徽號程  
成集即奉祠齋宮

翠蓋重重寶扇斜從官穿柳散慈鴉過宮路近  
紆天步上壽杯深閣雨花玉貫兩虹通象緯  
衣成五色練雲霞奉祠東去蓬萊道春雨鳬鷺  
踏漢槎

次韻伯長見貽使蜀

紫禁沉沉曙色低奉祠羣使已班齊承恩歸院  
迷煙樹乘傳開關踏雪泥蹀躞共憐騎苑馬遙  
迤不若聽朝雞山川有事寧辭遠咫尺成都是  
國西

棧道年年葺舊摧已口平易履崔嵬經行關輔

元風雅十一

圖中見夢想鄉山馬上來諸葛精神明似日相  
如情思冷於灰重思親舍猶南國願托江波去  
却迴

和周南翁朝回即事

三十六竿吹鳳凰  
九重春色絢天光卿雲微動旌旗暖湛露初晞  
草木香貝葉神師東度嶺金輿馴象北浮洋小  
臣職在歌功德拜手陳詩對日長

謝周南翁

使過池陽聞上日好懷浩蕩為君開江干維楫

車馬集亭上持杯風雨來通夜魚龍聽語竟明  
年駕鷺憶朝迴九華秋色翠可拾為問謫仙安  
在哉

送甘允誠使閩 有旨徵處士杜清碧

太史名山閱秘經承恩衣繡許趨庭江頭飛蓋  
逢春雨林下幽人識使星宣室夜深蓮燭絳石  
渠畫永竹書青

清朝盛典須成績最想還歸馬駟

寄武夷天台虎林三君子 杜清碧同本  
心羅太無

武夷山裏芝三秀華頂菴中黍一炊湖老每憐

元風雅十一

二七

鴻去遠山人無訝鳳來遲浮關紫氣緣書佳照  
夜青藜賴客知賀監清狂天所念故令黃髮訪  
安期

次韻范德機

清江先生天下士十年不出鬢如絲田舍每詢  
□後計玉堂今見寄來詩風前過雨林花動日  
下行雲省樹移還覓舊遊春欲暮楊郎為我道  
□期

送劉文廷清江錄事

清江百尺石為城太秀千峯積雨晴官府幾時

□毋靜漁舟盡日釣絲輕故家好訪春秋學□  
□懷月旦評頗有老懷煩錄事到州為問范  
先生

送張伯雨入茅山

獨棹扁舟入白蘋隱居舊宅□棲真囊盛肘後  
存丹訣書到人間稱道民未覺白雲留住晚也  
知蒼术寄來頻手栽松上騎黃鶴當是華陽第  
幾人

隱居聞道無人跡麋鹿來依積雪深每隨雲氣  
得芝术莫怪丹光穿樹林茅君自騎一虎下木

元風雅十一

一八

客或與羣猿吟想爾此時最相憶遲予飛屐度  
千岑

送星上人歸湘中

潭北湘南無影樹一花吹度海門潮天香滿室  
定初起雲氣上身衣欲飄寶月夜寒龍在鉢銀  
河秋近鵲成橋豈無一箇邛州竹與爾松根共  
寂寥

次韻答友

風雨相求越一邦無多苗藿庶充腸東風吹雷  
開梅萼南斗垂河避劍光力薄薦書空汗漫情

多怨髮易滄浪故人范叔清秋鶴誰共吟詩□

□堂

遊尚書何公山莊

百梯一逕仙凡交過此即見蒼厓坳幽穿斗角  
潛蛟窟危出雲根棲鳳巢題字百神驚澗底嘯  
歌衆籟越林梢重吟仙伯石樓詠一解齊人山

□嘲

黃姑仙厓置屋宇我躡飛磴如猿猱環山翠黛  
是城郭平地白雲皆海濤人頭關上走馬健仙  
□峯前飛隼高願得金丹換毛骨三清八極共

元風雅十一

一七

遊遊

過成都

我到成都住五日驛馬橋下春水生鷓鴣輕筏  
下溪足鸚鵡小窗知客名過江相送謝主意還  
□不畱非我情賴得郛筒酒易醉夜深銜雨漢  
□城

寄趙子敬平章

□道乘閒入翠微猶愁嵐氣濕人衣道傍野樹  
飛花盡溪上春雲作雨歸故舊釣絲輕在手仙  
人棋局靜忘機赤松曾許同千歲擬向高秋伴

鶴飛

題金馬圖

賈自騎千金馬解囊小憇荒城下平原無樹  
起秋風夢入陰山雪橫野太平疆宇大無外  
戶連城無閑夜不然安有獨行人懷寶安眠如  
畫者

送先隴二隣僧還吳

蘭若背山陰松筠夾逕深門閒容虎卧湖近聽  
龍吟雨過泉添澗風飄磬出林衲衣皆舊識一  
二謝幽岑

元風雅十一

一十

東崦憶招提幽尋日未西過山隨虎跡倚石待  
猿啼雲外催歸錫松間覓舊題卜隣居欲老母  
惜伴扶藜

雲巖樓觀

高閣丹青起中天紫翠分窗當太白雪門俯九  
疑雲伐木山人去吹簫帝子聞塵中歸未得春  
思轉紛紛

雪谷早行

積雪擁柴門行人稍出村谿頭或遇虎木末不  
聞猿接棧迴山角支橋就樹根驅車上重坂回

首見朝暾

次無疑韻

酷暑秋仍熾幽花晚自香誰將百年意共付一窗涼  
事業青燈舊心期白髮長山林儘迂澗江海正蒼茫

次周東揚赴零陵鳥字韻

拂劍池水秋理棹湘江曉地古記載多時清微發  
少雨洗厓石文風作林谷杳應上朝陽巖東望聽鳴鳥

觀進士廷對

元風雅十一

十一

千花覆檻柳絲垂畫刻傳呼淑景移  
聖主自觀新進策侍臣簪筆立多時

蜀中作

舊屋已屬他人家躊躇且復立江沙欲從子雲訪  
墨沼更問少陵尋浣花

題趙承旨躡躑畫眉

山鳥春深不自由曉聲併作杜鵑愁東風綵筆都題徧  
不到離鸞桂影秋

朝回

雨裏輕塵道半乾朝回隨處惜花看京城幾口

垂楊柳飛絮時來近馬鞍

題王母圖

瑤草春深晝日閒靈芝清露自怡顏雙成吹徹  
參差玉八駿人間去不還  
黃竹遺墟白雪高空桑戴勝鄉晨噪茂陵多欲  
非仙器枉賜金槃五色桃

絕句

閬州城南天下稀海棠參天鸚鵡飛百年心事  
付蕭散老著西江未得歸

早遊茶華納涼

元風雅十一

十一

手持道書入山館長林無人月落半松花拂衣  
清露深長嘯他峯起巢鶴

浣花醉歸圖

浣花溪上青山遠萬里橋頭綠水深紅濕錦宮  
春氣重籃輿何日却相尋

雲錦溪棹歌

雲錦溪頭春水生桃花為屋柳為城却騎赤鯉  
渡溪去手把芙蓉朝玉京  
雲錦溪頭秋水清勸郎來此濯冠纓白沙見底  
衆魚靜黃葉滿林雙鷺明

楊紫陽

河南廉使奉天楊奐煥然

論內

天地具此身胚胎乃潛受甚者感異類焉敢計  
妍醜冠蓋傳百世方求□□□□以孟軻氏立  
言痛無後飄零風塵際□□□□四年四懸  
弧吉兆自中酉顧我果何□□施嗟已厚今冬  
復爾耳魏崔太祖母曰喜在得分別女亦吾所  
出胡為生可否天下盡男子無姑卒無婦伏羲  
畫八卦錯綜定奇偶阿駒才五歲見客謹拜叩  
稍稍愛紙筆門戶知可守女生願有家教之奉

元風雅十一

箕帚乘龍非所期隨分逐雞狗

陶九嫂

述新莽劉益甫所言以  
為強暴不道者之戒

勿輕釵與笄勿賤裙與襦柘臯一女子健勝百  
丈夫家住廬州東庫藏饒金珠天陰夜抹漆暴  
客萌覲覲怯篋不足較父兄罹剝屠女年十五  
六以色竟見驅捕捉星火急亡命洞庭湖既為  
陶家婦九嫂從渠呼寢息風浪中四隣唯孤蒲  
琴瑟未免合積久產二雛春秋祭享絕對面佯  
悲吁向來郎鬢黑漂泊生白須身後乏寸土奈  
我子母孤干戈人換世幸在昔塵區何當決□

□□歲容相娛聞語畧不疑意謂癡且愚□然  
□□舟攜抱登長途青氍復舊物水陸多膏腴  
□□拜夫前靈貺焉可誣兒初有祕祝欲答神  
□□給郎俟西祠徑往公府趨畫地訴首尾曾  
不□□銖官長怒咆哮俄頃就執俘械桎滿蟻  
虱□□臨街衢使女坐其旁笑頰如施朱自推  
二□□□請加鎖銖官曰產爾腹頗亦怜呱呱  
女□□□種不可謂不幸環觀交感泣猛烈今  
古□□事鬼神畏失機或斯須甘露若訓注反  
遭□□圖政類實桂娘貌同心實殊杜建中

元風雅十一

十四

牧隱忍寂寞濱豈甘盜賊污白玉投青泥至寶  
終莫渝此讎若不雪何以見鳥鳥一息傳萬口  
南北通燕吳夫願女為婦婦願女為姑綠林肝  
胆寒低頭羞穿窬佳人固不幸能還誰爾拘何  
事□巨先遂死輕俠徒原前漢

烈婦歌

婦姓吳小字二十  
平陸人通士孫

平陸有烈婦地望雄諸吳從居孩提間體貌迥  
□殊舉家愛惜心不啻千金珠眉拂夏繭蛾鬢  
□春林烏芙蓉羨顏色冰雪羞肌膚十二巧針  
□十四婉步趨姻戚未省識閨閭何曾踰孫郎

□□秀少小依師儒雙親為擇對買紅纏酒壺  
□□得綵鳳誓結百年娛屈已接妯娒盡心奉  
□姑孰謂連理枝半壁先摧枯春風合歡床分  
守夜雨孤西隣久欽慕指王誠與六禮俱賄好  
靡不周下逮役使徒父兄云世亂倉卒誰攜扶  
母嫂憐幼寡且微反哺難號訴竟莫察僵仆氣  
不甦同穴大義在初言寧忍辜日聞勢轉逼託  
媒致區區將汝已死婦配我未葬夫朝決暮即  
行參差當自屠王族忽承命搔首久踟躕此事  
難為諧此理古亦無女聞一撫掌天道卒敢誣

元風雅十一

十一

腐骨尚知愛而況生人軀素志從此伸里巷咸  
□吁秋風萬馬來所至皆邱墟粟堆坡頭路月  
黑忘崎嶇鄉兵共烏合焉能保不虞俄頃鼓聲  
絕崩潰東北隅壯者被殺弱老遭靡驅婦時  
□懸崖翩若赴水鳥皎皎盈尺玉未甘蒼蠅污  
□□全匹錦豈容濁穢塗向是健男子足授文  
□□航海鱸長鯨盪荆縛於菟悲哉女子身裙  
□爵壯圖胡不具始末奏之達帝都外則詔羣  
□內則正宮襦胡不搆祠宇揭之當官衢近使  
□□節遠使懲淫愚不然布臺閣直筆一再濡

特書彤史上永世瞻範模

題趙繼卿耕隱圖

惜君玉雪成老醜知君近出太常後太常名之保以諫南  
知北求田問舍計差早恐君不是扶犁手長安  
冠蓋鬧於雲但說子真耕谷口此心肯處萬事  
了直待鐘鳴奈衰朽溪山入眼畫樣新雨翠煙  
嵐浮戶牖松亭可琴水可舟中有石田三百畝  
剩鉏烏豆種紅秫十分桑麻居八九軟浸豆屑  
飯晨犢濃湯去林腴篤社酒冷盆繅絲給公上  
挑燈紡績裏妾婦索錢豪吏喜食肉准備羹材

元風雅十一

十六

養雞狗荆棘滿野獨漏網太常遺澤亦已厚軍  
興科徭古不免為勸比隣死莫走殘年得飽實  
大幸傍舍餽籬插花柳君家平日無雜賓我輩  
過門須一扣若非代北少陵翁定是周南紫陽  
叟更聞朗詠除夜篇聊與蒼生洗塵垢

李王夜宴行

玉漏沉沉寒夜永瑤階月轉梧桐影重門深鎖  
寂無人醉倚銀屏呼不醒茜裙六幅拖朝霞飛  
雲髻穩盤雙鴉一生偏得君王意笑酬新寵彈  
琵琶嬌小不禁弦索滑腸欲斷時輕一抹半□

□面回春波等閒忘却龍香撥歡娛未畢北兵  
來三十六宮如死灰茅茨老死定誰問紛紛哀  
樂長相催

晉溪行感故人崔君寶馮達卿至

□刀射日霜華起誰剪滄溟半邊水千年冷浸  
西南天琉璃萬頃清無底瑤階玉殿聖母家春  
陽走碎油壁車天陰人靜百鬼出山風冷冷吹  
浪花□飛愁怕桂輪濕蟄龍潛抱神珠泣馬蹄  
剝落夢不到邂逅與君成雅集金斗潑潑浮新  
香秦客思家偏斷腸曲江池館定何似滿眼青

田空夕陽

寄商夢卿

無窮唯永日有盡是流年白髮誰能免丹經恐  
妄傳會心人健否到處冢累累衰風波地方  
思萬里船

寄朱生

不知朱記室歲晚竟如何老舅家誰托孀親鬢  
已皤林泉憂患少京國是非多為客幾時了悲  
涼彈缺歌

河道村

□路人家少邊城驛使頻李鷹終去洛王粲近  
歸秦天地羣龍鬪泥沙尺蠖伸親朋應笑我頭  
白傍風塵

宿草堂

百頃逍遙遠千年羅什家荒林藏屋小細逕逐  
溪斜老檜今何在瑞蓮春自花山靈憎俗駕朝  
暮白雲遮  
廢寺人蹤斷幽溪野性便魚須分浪細虎跡印  
沙圓馴雀偷僧飯饑蚊破客眠獻芹吾豈敢直  
欲斷山田

留別儒禪

溪行魚不畏巖宿虎相隨怕客談新事逢人誦  
舊詩衲輕聊覆體米滑欲翻匙僧臘知餘幾霜  
髭已滿頤

謝顧副言問疾

久謝公家事時勞長者車可憐新病後未覺故  
人疎渭北偏饒夢河南近得書相忘吾豈敢欲  
出怯籃輿

雨夜

關河隔千里筆硯寄餘生老覺鄉心重閒知覺

念輕微風搖竹影細雨簌簌聲落魄緣何事  
今不用名

題城南陰氏永思亭

結廬守邱隴種柏長孫枝不為城府屈況求時  
世知曾無絲衣夢誰有角弓詩薄宦歸來晚因  
君涕滿頤

訪耿君玉隱居

居幽穿洞府岸狹東溪流細逕隣翁熟懸壚遠  
客愁橋明山月上窗暗野雲浮世事何曾到年  
侵亦白頭

飲山家

為愛春風好乘時把一杯百年雙眼在萬事寸  
心灰花向坐中落客從雲外來詩成無紙筆畫  
地惜蒼苔

青峯寺哭燦然弟

長別惟生死難忘是弟兄但吾今到處想汝昔  
曾行鄉社三年阻兵戈一夢驚青山風雨夜此  
去更傷情

晚至青口

長年困行役短髮易飄零世事驚春夢交親散

曙星燒痕侵路黑柳色夾堤青落日明霞底原  
情動鵲鷁

浮生一首懷裕之

漢節飛雲外秦城落照邊浮生空自老歸計定  
何年淚滿陳蕃榻心搖祖逖鞭短詩聊遣興羞  
向故人傳

撫州

北界連南界昌州又撫州月明魚泊夜霜冷鼠  
山秋為客無時了勞生有許愁殘年嬰世網吾  
欲謝溪鷗

至滑州堤

舊事悲存歿殘年厭往還孤城晴雪底雙塔暮  
雲間馬沒長津在龍歸老井閒隔林青數點多  
是滑州山

宿南石橋

江流平入楚山勢遠連秦岸柳猶含凍溪花欲  
破春石街車轍古沙印虎蹄新晚境長為客空  
山不見人

出鴉路宿北石橋

燒火連山暗春雲出谷遲避人投野店繫馬就

舊字頽垣在新愁客枕知清明無幾日更與數歸期

承德亨見訪

世事原無定人生只合閒君今悲白髮我亦負青山廢郭官居冷荒年旅食慳最憐情義厚朝至莫方還

次答正卿

客愁青鏡裏歸夢白鷗邊故國人何在新秋月又圓米鹽逢此日詩酒負殘年長羨平林鳥雙飛入暮煙

元風雅十一

三

何人依玉樹有客隱金華老覺身為累時勞夢到家且騎山簡馬誰識子陽蛙日暮秋風起飛塵滿畫叉

答京叔文季昆仲

何處音書至劉家好弟兄科名先世在詩律早年成嶺北饒風雪淮南困甲兵論文吾有意尊酒阻同傾

未歸

渭水遙通洛函關近隔秦百年垂老日千里未歸身夢寐嫌為客妻孥不諱貧一官無可戀

氣五陵春

雨夜

宿秋風獵獵簷夜雨頻頻蛩韻愁於我燈花笑向人此身猶在洛何日定歸秦不必黃梁熟真慚白髮新

次答伯直侍郎

家貧餘四壁地勝接三鄉才賦狂司馬形容老遂良畫眉從爾濶舞袖為誰長生死交情在書紳示不忘

升斗貪微祿關河隔故鄉詠歸懷靖節知足愧

元風雅十一

三

張良不問黃金盡猶憐白髮長江湖風浪急相吻勝相忘

洵洵何時定飄飄著處鄉音書黃耳絕兄弟白眉良晚境情偏重涼宵話更長舊游零落盡別後實難忘

冠氏留別趙帥

主人情爛熳客子自奔忙不見猶頻夢相逢合斷腸秋涼拋藥裏夜雨倒壺觴回首高城北幽燕去路長

泊舟老鵲嘴

袞袞風生背消消月印沙船頭平壓浪棹尾旋  
成花老去長為客愁來轉憶家雙棲疎影裏羨  
殺柳橋鴉

送張彥叔還陝

管寧猶避世裨竈豈知天安穩將何日奔忙各  
暮年且陪山簡醉未辨水衡錢便了公家事癡  
兒更可憐

翰墨知名久風塵會面稀病來嗟我老秋到惜  
君歸瘦馬馱殘夢寒蟬送落暉區區問逋負直  
覺宿心違

送靳才卿之平陽

却向他州去蕭蕭雪滿簪邱園初到眼兒女總  
關心汾水野煙白霍山寒霧深得歸歸更好吾  
亦愛秦音

呈君美

上陽門外路日暮獨歸時齒髮各衰謝風塵仍  
別離斷雲橫紫閣急雨掠蒼陂地勝饒新句君  
將寄阿誰

得邵大用書復寄

百年真夢寐萬國久風塵老去偏相憶書來恨

不頻季鷹猶在洛王粲未歸秦谷口知何似他  
時願卜隣

楊飛卿

吾宗久零落之子亦中年紫邏堪高卧元經擬  
共傳前言非戲爾舊處想依然畱著新詩筆教  
隨過海船

文紀行贈以小步馬

洛水西頭路桃花夾岸香偏宜紅叱撥小試紫  
游韉雨徑沙初軟春山草政長杖藜猶過我此  
別莫相忘

答張君美

我無茅一把誰有橘千頭應物機仍拙憂時涕  
欲流謾違魚鳥信豈為稻粱謀老去輕三仕詩  
來抵四愁

懷同祖卿

東府倉皇別西河迤邐回元戎期坐嘯上客入  
行臺夢裏惠連句生前張翰杯龍池清似染應  
恨不歸來

宿重陽宮

村落到山盡軒窗臨水多野禽如舊識隣叟漸

相過林靜連官竹籬疎補女蘿夜深眠不着倚  
杖看星河

呈公茂

冰雪相看十五年照人風采只依然我今自分  
蓬蒿底君獨何心道路邊渭北幾時無夢寐終  
南在處有林泉不妨便作求田計伴取疲楊草  
太元

寄商夢卿

一望東原一惘然芸窗誰與伴高眠秋風有意  
招張翰春草無由見惠連王母信音青鳥外溪

元風雅十一

三

翁心事白鷗邊殷勤為向侯芭道判却殘年老  
太元

病中趙之讓見訪

洛陽三月不得雨君家西來常苦陰酒杯雖好  
怕到手藥裏底事猶關心對床幾日肯相就擁  
被中宵愁獨吟莫疑衰疾便揮謝解吐新句酬  
知音

次答庭幹

歲晚周南見此翁未應抵苦厭塵籠人須老後  
心方定詩到工時例合窮飯顆儘從嘲杜甫荆

釵元不笑梁鴻倚檻三詠鷓鴣句始信離騷繼  
國風來章有鷓鴣之句

病中次答

一別南塘十五年□□虛貸買山錢梁園不□  
狂司馬洛社偏宜病樂天□□形骸親藥裏□  
將心計事征塵他時湧翠亭前水又是吾家□  
對泉

寄長安

龜城舊事空悠悠俯仰一別今幾秋遙知清談  
落塵尾應悔□書□□頭三川煙雨四時在兩

元風雅十一

三

□關河千里愁道人活計行處是早晚策杖來  
□□

草亭既成招肥鄉賓子聲

走遍江淮鬢未華歸來重對舊生涯論豎不待  
肱三折作賦曾聞手一叉晚歲蕭條嗟我老春  
風搖蕩醉誰家殺雞為黍初心在目斷西雲日  
又斜

送馬公遠歸桂卷

瘦馬踏雪來長安老□□雲依空山長年獨處  
村落裏幾日一笑□□□□院風□□夜話松